



Газет 2001-йисан  
ноябрдилай акъатзава

# Эренлардин СЕС

*РД-дин Докъузпара райондин общественно-политический газет.  
Общественно-политическая газета Докузпаринского района РД.*

№40 (917) 2-октябрь, арбе, 2019-йис. Газетдин са экз. къимет киоскрай - 10 манат

## Муаллимдин йикъаз талукъарнавай «Докъузпара район» МР-дин Къилин везифаяр вахтуналди тамамарзавай Агъмед Агъмедован тебрик

За райондин педагогиз пешекарвилин сувар – муаллимдин Югъ риклин сидкъидай мубаракзава! Муаллимвал авун – им еке жавабдарвал ва члехи гъуърмет авуниз лайихлу асант тушир зегъмет я. Чна Жуваз фикир ийиз, гъакъикъатдай къил акъудиз, жувахъ инанмишвал ийиз чирай ксар, чпин алахъунралди дуньядин агъвалатрай къил акъудиз, жуван уьлкведин халисан ватандашар жез чирай ксар разивилелди риклел хуьзва.

Алай аямдин педагог – им яратмишунрин тегъерда фикир ийиз, Ватандин педагогикадин лап хъсан адетар чирвилер гунин лап цийи къайдайрихъ галаз сад ийиз алакъзавай кас я. Зун инанмиш тирвал, чи республикадин педагогрин пешекарвили ва абур



чпин кардиз вафалу яз хъуни образование ерилуди ва Дагъустандин обществодин, яшайишдин, экономикадин ва руюгъдин жигъетдай авай

игътияжрихъ галаз къазвайди ийидай мумкинвал гуда. Заз райондин муаллимрихъ сагъламвал, хушбахтвал, къвалахда гележегдин агалкъунар хъун къанзава.

## Пленарный заседанида иштиракна

И мукъмара ДГУНХ-дин базада РД-дин муниципалитетрин къилерин иштиракчивал авай заседанида Дагъустандин Къил В. Васильевани иштиракна.

Риклел хкизва, 2018-йисан 7-майди Россиядин Президент В. Путин «О национальных целях и

стратегических задачах Российской Федерации» къарардал къул члугунай. Ада Россиядин са шумуд яшайишдин терефдин гъалар вилик тухунин къвалахдиз фикир ганвай. Дагъустанди а милли проектрин 10 дережадик кваз иштиракзава.

Семинар ачухай Дагъустандин

Правительстводин премьер-министр Екатерина Толстиковади риклел хкана, им нубатдал гъалтайла, нащпроектрай тухузвай пуд лагъай семинар я. Къе, чна нащпроектрик





квал «Демография», «Образование», «Экология» «Гъвечли ва юкьван карчивилин» жигъетриз фикир гуда. Алай йисуз Дагъустанда муниципальный бюджетриз рекьер тукьлуьруниз ва хъвадай целди агъалияр таъминарун

патал куьмек яз 2,5 миллиард манат пулар ахъайна.

Пленарный заседанида госуправленидин университетдин проректор, экономикадин илимрин доктор, профессор Ксения Екимовади чи республикадин

руководителрин адресдиз хуш келимаяр лагъана. Адан зендиналди, нацпроектар чи уьлкведин вири регионар виликди тухун патал иллаки важиблур я.

Республикадин Квил Владимир Васильева лагъана: - Пулдин такъатар агакьуникди чавай 20 аялрин бахча ва 9 школа ахъайиз алакьна. И кардиз республикадин бюджетдайни 1,9 миллиард манат серфна.

Семинардин карда Владимир Иванова квилдин дестейрихъ галаз ерилу квалах тухунин, гьар са муниципалитет расалмиш жезвай чкадин шартларин эксиквилер фикирда къуна, куьмекар авун-Гьукуматдин ва республикадин гьукумрин патай иллаки важиблу тирдакай рахунар авуна.

Заседанидин квалахдин нетижаар къаз эгечнава.

ЧИ МУХБИР

РАЙАДМИНИСТРАЦИЯДА

## «Гъвечли ва юкьван карчивилиз куьмек гунин» месэладай

30-сентябрдиз Докъузпарадин райадминистрациядин заседанийрин залда «Докъузпара район» МР-дин Къилин везифаяр вахтуналди тамарзавай Агъмед Агъмедован руководстводик кваз совещание хъана. Адан карда райондин идарайрин руководителри, хуьрерин чкайрин килери иштиракна. Иштиракчийрин арада райондин депутатрин Собранидин председателъ Абас Абасов, райондин администрациядин отделрин начальникар авай.

Совещанидин сифте кыляй Агъмед Агъмедова Каракуьре хуьре гъайванар бруцеллез азардик начагъ хъанвай дуьшуьшар авайдакай хабар гана. Ада ана авай гьаларикай баянар гун ветеринарный управленидин начальник Къурбан Жалалававай истемишна. Гъайванрин Сагъламвилин къуллугъдин руководителди начагъ гьалар акъуднавайдакай, вири талукъ серенжемар къабулзавайдакай хабар гана.

2019-йисан пуд лагъай



кварталдиз райондин бюджетдиз къазанжияр агунин ва ам ацурнавай гьаларикай райондин экономикадин отделдин начальник Султанмурад Магъмудов экъечна рахана.

РД-дин ГАУ филиалдин МФЦ-дин директор Руслан Исмаилова хуьрерин чкайрин килер «РД-дин дагъдин территорияр виликди тухун патал» программадай субсидияр къачуз жедай мумкинвилерик квайдакай хабар гана. «Отдел

капитального строительства, архитектуры и ЖКХ» МКУ-дин руководитель Али Къарибова Республика Дагъустандин «Зи Дагъустан - зи яд», «Дагъустан – зи рекьер» «Дагъустан – къулай шегьердин ара» проектрин ва абур кыле физвай гьаларин гьакъиндай рахана.

Вадим АГЪАМУРАДОВ

5-октябрь - Виридуьньядин муаллимрин Югь

## Пешедиз вафалуди

«Муаллим гафуни такабурлудаказ ванзава»

халкъдин мисал

Муаллимдин пеше - им вири дуьньяда фадлай тГвар-ван авай пеше яз гьисабзава. Сир туш, гьар са мектебда тарс гузвай муаллимди вичин уьмуьрдин чХехи пай аялриз бахшзава. Муаллимар аялриз чирвал гуз, абуруз пис-хъсанди чириз кIанз гьавалат жезва ва чебни и рекьяй лап еке зегьмет серфзавай ксар я. Къенин юкьуз чи районда муаллимвилин пешедал рикI алаз, чпин уьмуьр аялриз бахшна, абур патал зегьмет чГугвазвай муаллимар тIимил туш.

Абурукай сад Докъузпара райондин Усугъчайдин СОШ-дин урус чIалан ва литературадин муаллим Шихова Зарема Шихметовна я. Шихова Зарема гьуьрметлу ва чХехи хизанда 1964-йисуз Докъузпара райондин Усугъчай хуьре дидедиз хъана.

3. Шихметовнади мектебда кIелдай йисарани кваз муаллимвилин пешедиз майилвалзавай. 1979-йисуз Усугъчайдин СОШ-дин 8-класс акьалтIарна ам Дербент шегьердин педучилишедик экечIна. Аялриз тербия гунал рикI алай З.Шиховади аялрин бахчайра кIвалахдай тербиячяр гьазурзавай отделение кьютягна, юкьван пешекарвилин дережа кьачуна.

1983-йисуз хайи хуьруз хтана, са кьадар вахтара ада кIвалин, майишатдин кIвалахар тамамарна. Гьа са вахтунда килин образование кьачунин кьаст авай Заремади ДГУ-дин филологиядин факультетдиз имтигьанар вахкун паталди гьазурвал аквазвай. 1985-йисуз адан мурад кьилиз акьатна. Студент йисара Шиховади лезги чIалан ва литературадин илимдин бинейрал кьайдаламиш хьанвай чешмейрикай вич патали хийирлу тарс кьачузва. Шегьердин мектебра практика



фидайлани З.Шиховади тежрибалу муаллимривай зегьметдин сирер, методикадин кIвалахар карда ишлемишунин мукьуф чирна. Университет акьалтIарай 1991-йисуз Заремади Каспийск шегьердин 12-нумрадин аялрин бахчада кIвалахна. Ада гьанани мектебдин яшдиз экъечIзавай аялрихъ галаз жуьрба-жуьре мярекатар кьиле тухуз, аялрин фикирар ажайиб кьилихрал ва чешнейрал желбзавай. Зегьметда кьазанмишнавай агалкьунриз килигна ГорОНО-дин начальниди Зарема Шихметовнадиз «Воспитатель методиствилин» дережа гана.

1997-йисуз аялрихъ галаз кIвалахунин рекьяй тежриба хьанвай тербиячи муаллим, урус чIалан ва литературадин тарсар гуз, хайи хуьруз хтана. Ина ада Усугъчайдин СОШ-дин аялриз къенин йикьалди тарсар гузва. З.Шиховадихъ вичин муаллимвилин пешедин рекьяй кьазанмишнавай агалкьунарни гзаф ава.

Ам 2006-йисан «Россиядин лап хъсан муаллим» тIвар алай конкурсада гьалиб хъана, 2009-йисуз

адаз «Республика Дагъустандин лайихлу муаллим» тIвар ганай. Республикада 2005, 2008, 2009 ва 2013-йисара кьиле фейи яратмишунрин конкурсада «КIвалах ахтармишун» тIвар алай номинацияда аялар-призерар гьазурунай илимдин руководитель лагьана, РД-дин МОН-дин патай ганвай грамотаяр ва дипломар, Дербент шегьердин педколледждай ганвай рикIелай тефидай яржунин лишанар адахъ тIимил авач. Зарема Шихова 2014-йисуз райондин этапда урус чIалай муаллимрин арада тухвай олимпиадада призервилин чкадиз лайихлу хъана. Вичин кIвалахдин рекьяй хьанвай агалкьунриз килигна З.Шихова 2016-йисуз «Почетный работник общего образования РФ» дережадиз лайихлу хъана.

Генани адахъ райондин вири мектебрин мярекатра иштиракунай вичин кIвалахунин рекьяй хьанвай еке агалкьунрай райондин образованидин управленидин ва школадин патай ганвай грамотаяр, дипломар ва чухсагьулдин чарар гзаф ава.

Зарема муаллимди тербия ва чирвилер гузвай аялри республикадин дережадани чпин агалкьунрин ва яратмишунрин ерияр кьалурзава: мисал яз, завай лугьуз жеда, алатай йисуз Махачкьала шегьерда кьиле фейи Вирироссиядин школьникрин олимпиадада урус чIалай ва литературадай 10-классрин иштиракчийрин арада, адан ученица Саруханова Сабринади 1-чка кьуна. Им райондин масштабда, заз чирвал, лап чХехи агалкьун я. Ихьтин хьайи агалукьуниз райондин



Къили фикир тагана тунач. Гъалиб хъайи агалкъунни сертификатдалди ва пулдин пишкешралди къейдна. Ва генани Зарема муаллим райондин масштабда къиле фейи муаллимрин чирвилерин акъажунрин дережада урус ч'алай ва литературадай 1-чкадал ала.

Зарема Шихметовнади тарсара алай аямдин информатикадин ва коммуникациядин технология ишлемишзава. Адахъ к'валахунин рекъий вичи гузвай тарсар аялрин акъулди фад къун патахъай, алай

программадилай къеце, маса жуьрейрин къайдаяр ава. Келзавай аялрин фикир тарсунал желб авун патал семинарар, конкурсар, ачух тарсар, конференцияр, гъар жуьредин къугъунрин тарсар мектебра ва райондин къулара къиле тухузва. Чна, редакциядин коллективди, Зарема Шихметовнади ва амай муаллимриз Виридуьньядин муаллимдин югъ мубаракзава! Къуй Квехъ чандин сагъвал, к'валахунин рекъе мадни еке агалкъунар хъурай!

### Муаллимриз

Инсандикай инсан йиз алахъна,  
Куьне ч'угвазвай зегъметар парая.

И дуьньяда, гъагъикъат я,  
ч'алахъ я:

Куьн регъимдин бине я ва ара я.

Муаллимар, чи азиз рик'I алайбуьр,

Берекатлу негъижаяр хъурай,  
Квехъ.

Гъар са рекъий шарт'лар хъурай къулайбуьр,

Куь сухтайри инсанвилдин къурай рехъ! ЧИ МУХБИР

## Милли проектар къилиз акъудунин месэладай семинарда



26-сентябрди халкъдин майишатдин Дагъустандин гъукуматдин университетда (ДГУНХ) Республика Дагъустандин муниципальный тешкилатрин къилерин иштиракчивал авай, «милли проектар къилиз акъудзавай гъалдин» месэла-темадай семинар къиле фена. Адан карда «Докъузпара район» МР-дин Къилин везифаяр вахтуналди тамамарзавай Агъмед Агъмедова иштиракна.

Семинардин заседанидин к'валахда Дагъустандин Къил Владимир Васильева, РФ-дин Гъукуматдин ва Къилин Администрациядин руководитель Владимир Иванова, РД-дин Гъукуматдин председателдин заместителри ва министерствойринни ведомствойрин

руководителри семинардин карда республикадин яшайишда хъанвай агалкъунриз, милли проектар къилиз акъудунин карда къилин месэлайриз – «Демографиядиз», «Образованидиз», «Экологиядиз», «Гъвечли ва юкъван карчивилиз», муниципалитетри пулдин такъатар харж авунин низамдиз фикир гана.

В.Васильева к'ват' хъанвайбуьрун дикъетдиз яргъал тевгъена гъална кланзавай месэляяр гъана. Къилди къачурт'ла, республикада рекъерин гъалар хъсанарнава, тергнавай балугъяр гъасилдай карханаяр туьхк'луьр хъувунва. Республикадин Къили налукар к'ват'унин гъаларикайни къейдна.

Рик'ел хкизва, чи районни пуд проектдай республикадин шарт'ларик акатнава – «Зи Дагъустан

– зи яд», «Зи Дагъустан – зи рекъер» ва «Зи Дагъустан – къулай шегъердин ара». «Зи Дагъустан – зи рекъер» проект чи района къилиз акъуднава. «Цийи Каракуьре» хъуьруьн куьчейринни рекъерин чил ремонт авунва. «Зи Дагъустан – зи яд» проектдай конкурсдин негъижаяр къуна, умуми майишатдин дигидай цин къанал эцигун паталди подрядчик яз, ООО «Беса» компания тайинарна. Турбаяр кутунин, къац'лар гъазурунин кар башламишнава.

«Зи Дагъустан – къулай шегъердин ара» проектдай чи райондин къве хъуре тухудай к'валахар фикирдик ква. Усугъчай хъуьруьн Х. Н. Эмирсултановадин т'варунихъ галай куьче къулайдиз туьк'луьрун ва Ленинан куьчеда авай паркунин сергъятар къайдадиз гъун. Подрядчиквал Гъамидов Арсен Гъамидовичан хиве ава. Авадан хъуьруьн месэлайрайни подрядчик тайинарнава, адахъ галаз ик'рардал къулар ч'угунва. Сифтегъан к'валахар башламишнава. Къиле тухузвай, винидихъ къейднавай проектар Дагъустандин Правительстводин ва Къилин Администрациядин руководстводин гуьзчивик ква.

Шагъбала ШАГЪБАЛАЕВ

## Дагъустандин мектебра «Еримишвилини нукътла» - меркезар



Дагъустандин 168 хуьруьн чкайрин мектебра рекъемрин ва гуманитарный профилдин еримишвилерин центраяр кардик акатнава. И тлвар къунвай проектдай республикада къвалах Минобразованиди тешкилна. А центраяр алай девирдин аялриз чирвилер гунир рекъай надир идараяр я. Абуру са шумуд кабинетдикай ибарат хъанва.

Гъар са кабинетда

интерактивный тадаракар, махсус компьютерар, мобильный класс, 3D принтер, шлем (VR), квадракоптер, фототехника ва маса майданар кардик ква. А чкайра аялривай азаддиз вилик фенвай низамрай, программайрай проектар тукълуьриз жеда, абуру чпин фикирар къейддай мумкинвилер гузва, конструкцияр къватлиз жезва. Аялриз тарсар технопарк «Кванториумда»

махсус курсара хъанвай муаллимри гуда.

Къейд авун лазим я, вири мектебрин аялривай цийи техникадин крарай къил акъудиз жезва. РД-дин Правительстводин заместитель, образованидин ва илимдин министр Уммупазиль Омаровадин гафаларди, алай клелунин йисуз винидихъ къейднавай центрайричпин кардал 60 агъзур Дагъустандин аял желбда. Ада мадни къейдна хьи, мукъвал къве йисуз республикадин хуьруьн чкайрин мектебра къве центр кардик акатда. «Точка роста» центрайрин къвалах вири хуьрера кардик акатдалди давам жеда. Центраяр «Алай девирдин мектеб», «Образование» милли проектрин сергъятра аваз тешкилнава. Адан истемишун шегъердин ва хуьрерин аялрин чирвилерин арада авай фаркъ квадарун я.

ЧИ МУХБИР

## Каспиядин флотилия

Каспиядин флотилия РФ-дин гъуьлерин дяведин къушунрин къурулушдик акатзава. Ам са шумуд бригадикай ибарит я. Абурун киле сад ва къвед лагъай рангдин капитанар ава. Гъуьлуьн къерехда авиация, катеррин артиллериядин бригадаяр кардик ква.

Тарихдин куьруь чар: 1722-йисуз сад лагъай Петр киле аваз десант Астрахандай Каспий гъуьлел эвична. Персиядиз физвай сефер, тарихдай малум тирвал, 1722-йисуз урусрин къушунри Дербент шегъер къуна.



Сад лагъай Петрдин къарардалди Астрахандин порт Каспиядин флотилиядиз элкьюрна. Урусрин ва туьркверин алакьяр хци хьуниз килигна, Генжеда кьиле фейи икъардалди асаслу яз, виликдай Персиядик кваз хъайи гьуьлуьн сергьятар урусрив вахгана.

Гуьлуьстандин ислягьвилини икърар кутлунайла, 1813-йисуз Россиядиз Каспий гьуьле дяведин флот арадал гьидай ва ам мягкемардай ихтияр хъана. XIX лагъай асирда Каспий гьуьлуьн мяденрай нефт хкудиз эгечна. Кьилин кар алай чкани Баку шегьер тир.

1880-1885-йисара Каспий гьуьле «Зороастр», «Норденшельд», «Будда» тварар алай танкерар пайда жезва. 1889-

йисуз гьуьлуьн флотилияда 1133 гими акъвазна. Абурукай 212 елкен алайбур тир. Гимийрин куьмекдалди нафтлади суьрсет урусрин базарриз акъудиз хъана. Чехи дяведин йисара, иллаки Сталинграддин женгер кьиле фидайла, Каспиядин нафтладикай авиациядиз, чилин техникадиз еке куьмек хъана.

Каспиядин флотилия 1945-йисуз «Красный знамя» ордендиз лайхлу хъана. Зурба СССР чклай, 1990-йисара Каспиядин флотилия аслу тушир гьукуматрин сергьятра пайипаярал атана. Россиядик квай паярин базаяр Махачкъалада ва Астраханда мягкемарна. Урусрин къаюмвлик квай гьуьлуьн къушунри, адан Кьиблепатан

сергьятар терроризмдикай хуьзва, ана ислягь уьмуьр яратмишзава. Алай вахтунда флотилиядихъ гуьзчивал тухузвай гьвечли артиллериядин гимияр, гьуьлуьн пехотадин къушунар, ракетайрин ва тупарин катерар, гьвадин ястухдал алай десантдин гимияр ва маса къуш-къуват ава. Каспиядин флотилия Кьиблепатан военный округдин акатзава. 2010-йисалай ана ракетайрин «Буян - М» шифр алай техникадин рекъай щийи ва гужлу ракетаяр эцигнава. Каспий гьуьлуьн сергьятра мукьвал-мукьвал дяведин синагьрин чирвилер ахтармишдай гьерекатар кьиле тухузва.

Шагьбала ШАГЬБАЛАЕВ

## За торговлю ветпрепаратами без лицензии - штраф!

В ходе проведения мониторинга наличия хозяйствующих субъектов осуществляющих деятельность в сфере оборота лекарственных средств для ветеринарного применения без специального разрешения (лицензии) специалистами Управления Россельхознадзора по Республике Дагестан выявлен факт реализации лекарственных средств без лицензии на осуществление фармацевтической деятельности гражданином Аджиевым Ш.В. в г.Хасавюрте. Также в ходе проведения указанной проверки были выявлены и контрафактные лекарственные средства ратеид, байтрил и байкокс в количестве 11 флаконов. Лекарственные средства, находившиеся в обороте с нарушением гражданского законодательства были изъяты и уничтожены.

Гражданину Аджиеву Ш.В. выписано предписание о запрете реализации лекарственных препаратов для животных до



получения соответствующего разрешения (лицензии), а также составлен протокол об административном правонарушении по ч.2 ст. 14.1 КоАП РФ, который был направлен для рассмотрения мировому судье г.Хасавюрта. Судом вынесено постановление о привлечении гражданина к административной ответственности в виде штрафа.

Управление Россельхознад-

зора напоминает, лицензия на осуществление фармацевтической деятельности в сфере обращения лекарственных средств для ветеринарного применения необходима при розничной и оптовой реализации лекарственных средств для животных.

Лицензию на розничную торговлю лекарственными



препаратами для ветеринарного применения на территории Республики Дагестан выдает территориальное Управление Россельхознадзора, а на оптовую торговлю или розничную торговлю на территории двух и более субъектов - Россельхознадзор.

Наличие лицензии означает, что хозяйствующим субъектом пройдены необходимые процедуры обследования, а также имеется и должным образом функционирует оборудование, обеспечивающее сохранность препаратов.

Соблюдение всех условий хранения гарантирует качество и безопасность лекарственных препаратов, применяемых для лечения или профилактики заболеваний животных.

При этом перед покупкой ветеринарного препарата для лечения своего питомца покупатель вправе убедиться в том, что продавец имеет специальную лицензию.

Управление Россельхознад-



зора обращается ко всем добросовестным участникам фармацевтического рынка, практикующим ветеринарным специалистам и владельцам животных, что информацию обо всех известных Вам случаях осуществления фармацевтической деятельности без лицензии, обращения контрафактных, недоброкачественных и фальсифицированных лекарственных средств для

ветеринарного применения необходимо направлять в Управление Россельхознадзора по Республике Дагестан по адресу: 367000, г.Махачкала, ул.В..Эмирова,8, по телефону (88722) 675820 или по электронной почте: yuzul @yandex.ru.

**Г.М. ГАДЖИХМЕДОВ,**  
госинспектор ТУ  
Россельхознадзора по РД



## РЕСПУБЛИКА ДАГЕСТАН МУНИЦИПАЛЬНЫЙ РАЙОН "ДОКУЗПАРИНСКИЙ РАЙОН"

№96

от 01.10.2019 г.

### ПОСТАНОВЛЕНИЕ

#### "О начале отопительного сезона в муниципальном образовании "Докузпаринский район"

В соответствии с Федеральным законом от 06.10.2003 N 131-ФЗ "Об общих принципах организации местного самоуправления в Российской Федерации", руководствуясь Уставом муниципального образования "Докузпаринский район, администрация района

**ПОСТАНОВЛЯЕТ:**

1. Отопительный сезон в муниципальном образовании "Докузпаринский район" начать с 15 октября 2019 г., в с.Куруш 1.10.2019 г.

2. Довести настоящее постановление до руководителей организаций всех форм собственности.

3. Опубликовать настоящее постановление в районной газете "Голос Эренлара".

4. Контроль за выполнением настоящего постановления оставляю за собой.

**А.И. АХМЕДОВ,** врио главы МР  
"Докузпаринский район"

## Лезги шаиррин – арифдаррин гафар

\*\*\*  
«Халисан мусурман кас азгъун  
жедач,  
ада нефсиниз шегъре рехъ гдач,  
ам гьалал, гьарам чиз, намус-  
гъейрат  
квадар тавуна, яшамии жеда».

Ахцегъ Гъажи.

\*\*\*  
«Заз чидайди фагъум, фикир,  
сабур я»

Лезги Агъмед

\*\*\*  
«Ханвал ахътин рекъин тийир  
къуллугъ туш»

Лезги Агъмед

\*\*\*  
«Сабурлу хъухъ , риклевай кар  
тефейла къилиз».

Ярагъ Мегъмед-Эфенди

\*\*\*  
«Гъахъ гьикI хъайитлани садра  
винел акъалтда»

Ахцегъ Мирзе Али.

\*\*\*  
Агъзур наздив зи рикI кузвай,  
севдугъум,  
И тIарвилер гъахъсуз дуван тушни,  
лагъ?!  
Рухун Али.

\*\*\*

«Гъар са чIавуз квахъдайди туш  
хъсанвал»

Етим Эмин

\*\*\*  
«Аллагъ патал хъуй, ичIи гъилиз  
килигъ»

Етим Эмин.

\*\*\*  
Вучиз зи халкъ гъар патахъди  
чикIизва?! –

Нубатсуз тир четинвиле аклузва?

Алкьвадар Гъасан-эфенди.

\*\*\*  
«Къан тахъай Сибирь хъана хъи».

Малла Нури.

\*\*\*  
«Сарар авайла, фу хъанач,  
Фу хъайила сарар амач».

СтIал сулейман.

Гъазурайди - Ш. ШАГЪБАЛАЕВ

Халкъдин яшайишдин гьалар кIевера ва дарда твазвай, абурун игътияжриз дуьзгъувилелди килиг тийизвай, закондин истемешунриз яб тагана чпин кIвалахар ва къуллугъ идара ийизвай гъакимар гьукуматдин аппаратда гьеле кьери туш. Эгер са гьихътин ятIани идарада куьн кимивилерал расалмиш жез, абур пулар тIалабиз хъайитIа, чаз газетдин работникриз хабар це. Чун куь тереф хуьн патал гъар са дуьшуьшда къаришмиш жеда ва чIуру кIвалахриз рехъ тагунин карда гъахъвили даяхар яз акъвазда. И мураддалди чна, вири уьлкведа хъиз, “горячая линия” кардик кутазва. ТIалабзава чаз чарар кхьин (къуларни чIугуна).

### Гъуьрметлу газет кIелзавайбур!

«ЭС» газетдин редакцияди квевай тIалабзава, райондин идарайриз ва тешкилатриз авай суалрин патахъай редакциядиз чарар кхьин. Чи редакцияди куь суалриз жавабар гуда.

Чи редакция. Тел.+7 (8722) 55-14-61

### Скорая помощь ЦРБ Докузпаринского района

тел. 8 928 059 84 90, 8 989 868 03 00

## «ГОЛОС ЭРЕНЛАРА»

2001-йисан  
ноябрдилай акъатзава

**Тешкилайди:**  
Докузпара райондин  
администрация,  
Дагъустан Республика

**Учредитель:**  
Администрация Докузпаринского  
района, Республика Дагестан

**Къилин редактор:**  
А. Э. ЭМИРСУЛТАНОВ

**Жавабдар секретарь:**  
В. С. АГЪАМУРАДОВ

**Хусуи корреспондент:**  
Ш. О. ШАГЪБАЛАЕВ

**Корректор:**  
Ш. О. ШАГЪБАЛАЕВ

**Верстка авурди:**  
Н. Н. БЕЙТУЕВ

**Газетдин индексар:**  
Зур йисан къимет - 216 м.  
Йисан къимет - 432 м.

**Чандиз вахкай вахт:** 14:00  
**Чапзавай вахт:** 17:00

Тираж 355

Редакциядинни макъалайрин авторрин фикирар сад тахъун мумкин я. Макъалайрин делшлрин дуьзвили патахъай жаваб авторри чни гуда. Макъалайриз рецензия гузвач ва абур элкьвена вахкузвач. Мадни, чпин макъалайра дегинвилер тунал, къилер дегинарунал рази тушир мухбиривай чна абур редакциядиз ракъур тавун тIалабзава.

Газета зарегистрирована  
Управлением Федеральной  
службы по надзору в сфере связи,  
информационных технологий и  
массовых коммуникаций по  
Республике Дагестан

Регистрационный  
номер ПИ №ТУ5 - 00256  
от 14 июня 2013 г.

Редакциядин,  
издательстводин ва  
типографиядин адрес:

368750, Докузпара  
район, Усугъчай хуьр,  
тел.+7 (8722) 55-14-61  
e-mail:  
golos-erenlara@mail.ru  
Чи сайт: www.erenlar.ru